



南湖入楚吟叙



序曰夫詩之爲道淵乎深哉故模古鑄範標取形
似速化之所導也鈎竒獵異斬削膚近炫博之所
趨也寓目矢口調利口吻緣情之所安也是可以
言詩矣乎恐不如是之多岐也夫余識南湖張子
扣其所鳴淵乎其深不可涯已入楚諸作刻之百
潭蔣氏者各有序列夫余曷言然竊私宴好以臆
禪所未究則余又何讓焉蓋南湖之爲詩也尚友

前哲罔襲其似超邁凡品罔涉于異緣情構結罔
流于易玄悟逃炤可謂詞人之宗匠已古選本之
士衡協以公幹骨力近體源於杜陵參以岑高悲
壯填詞氣兼東坡澤以淮海婉麗彬々盛哉余以
知綴名楚吟顧不可不謂之幸矣

嘉靖戊戌歲中秋儀城許樾題



南湖入楚之吟序

宣情詠物之謂詩咀嚙之官之誦之義
而詠誦之謂吟故亦得曰詩之曰吟
所以舒鬱達和脫少膠而融中亦者
也故士有負奇然而少偶奇逢以發施
用或用焉不盡其長闕外而於中者
注之托詩以自適言感真於物寓意於

事平業於聲人成而影叶之影叶而跡
隨以得之真趣自得深禁何有其心休
生亦便道孰大焉古詩人用之班其
可考已錄揚南湖張公世文弘治富若
抱子宜逢凡七面言失和之再甲午
難却梅材涉佳色昌或謂公平生不滿
善射難一矢之亡而劇刻其省逸也矣

趨得之聲人有不堪慙者乎比之乃能
既落時態超遙聲表不卑者以隨矣
不律志以取媚惟生分之者少者少焉
多急可矣人之知信与空弗較也獨
於正公藝私者郊侯國覽山川之得吊
臺榭之在采民風土修之殊對四時風
花草物之美有屬於私而官不得者

者則一於聲詩乎發之而無所不用
生情者自己未內申之矣凡一閱事得
詩者千首而五七長短古七律絕詩餘
諸體咸備惟才高性敏而亦易於弄之
真何以類此因字將百潭氏因題其
集曰南湖入楚吟矣日公搗直東江
追隨揚山之遊索而讀兮其格調

高雅意旨沉着而音韻俊灑亦凡善
書師函晉魏家法而如唐人之門
奧者因嘆古有起於而害於者或以
黃鶴一詩或以鸚鵡一說或以洞庭四
韻皆是膾炙人口而事考而世或有
譏焉公為度渾厚備於古風直啟
在邦已聚人里不獨詩之可誦而已

他日揚休匹美以遠至則又孰得而
軒輊之邪僭序首管亦庶幾見者
刻之六案云

嘉靖十有七年戊戌穀日鄂南
使汪必東希云出子漢山子之

南湖入楚吟

乙未之歲予受職判武昌顧才拙無所效暇
日頗以清吟自適自是年冬十月抵任至明
年丙申冬十一月部糧歸南京一歲間得五
言古律詩若干首七言古律詩若干首六七
言絕句若干首長短句若干首成都百潭蔣
子題曰南湖入楚吟嗟乎士不適時用徒以
言辭自見耻也抑亦有所適也夫南湖居士
張縉識

入楚吟

五言古詩

登黃鶴樓

膺膺漢陽門
 峩峩武昌城
 城上何所有
 高樓凌紫
 清飛甍
 遠朱檻
 下臨大江橫
 昔有登仙子
 於此吹
 瑤笙
 仰嘯吸沆瀣
 俯視嗟浮生
 一乘黃鶴去
 千載
 空留名
 我來覽遺迹
 感慨懷蓬瀛
 舉手招飛鴻
 思
 欲與遐征飛
 鴻不我顧
 揚羽入青冥
 長歌崔灑詩
 日暮有餘情

鸚鵡洲吊古



詩人歌尚網老氏貴若愚幾微有至理君子慎厥
初禱生信高才惜哉謀身踈酒酣賦鸚鵡落筆皆
明珠舉坐驚歛衽群公嗟不如抱此絕人技睨視
空九區戲掉猛虎尾狎弄驪龍鬚寧知所自挾適
足亡其軀我聞山雞鳥斷尾免羅虞豈不惜華彩
韜光乃良圖寄言白璧子慎勿矜蕪隅

過山陂驛

夜發官塘驛日夕過山陂山陂少人烟紫翠千峰
圍我行何勞勞日夜事驅馳驅馳無時休人馬皆
幾疲是時仲冬月与寒冰綴髭凝霜被野草落葉

填山蹊鼯嘯林藪天黑路險巖僕夫前跪訴足
蹇步不移我心多惻隱且復停路陞終然不可住
公事有程期嗟嗟志學子幼學壯欲施顧慚無寸
補焉用爾官爲念彼陽公言曠代使我思

崇陽除夜燕酌

煌煌公館燭滴滴松桂雨相對歲除夜懽情羅酒
鋪啞啞共笑言霽然頓肺腑道真畧禮數意淡忘
簪組嗟予誠薄劣竊祿佐大府雖黍稷之幕尚慕
樊生圃蕭蕭巾中髮逢迎爾良苦前月白官長承
命出行部驅馳駑駘力矻矻終莫補向月歌黃鵠

臨風詠鸚鵡感此栢葉觴晨朝袞已五先賢知非
年而我又焉取安能事羈束但可龜魚主沉沉聞
夜漏統統傳街鼓飲罷意茫然兀視簷間宇

迎春日新霽通城感事

接歲雨沉綿今晨忽霽豁朝日射前楹鮮景一何
潑銀山消宿嵐入眼青巖薛欣欣物象躍靄風
雲活汎汎蕙草光莽莽川波濶茲辰出土牛簫鼓
迓春聒市喧走豎童詭粧闔魔魃喬簪兒乃嚶嚶細
脉已滅滅覽景有佳懷適意縱遙眎晏坐簿書揮
清吟塵務撥方宜偕時和誰能遽鞭撻狡氓甘觸

羅纒俗乖我聞翼苗必鋤莠遂令本情奪何當籍
陽氣凝冰悉融脫我亦乘協風飄飄游天末

秋日興國聽雨亭感述

涼雨上蕉葉鳴轂何浙瀝眷茲亭中坐靜聽洒珠
礫是時仲秋初緒燠喜新滌遙岑淡脩蛾層霄靄
低幕在宦幸身暇省躬怡慮寂所驚節候易蜻蛚
倏在壁又見雲外鴻排空響嘹唳抱病思遐蹈竊
祿恥寡績羈鞅乖夙志長道阻良覲白顧離鷄姿
焉爲溟鯤敵風埃摧短髮念之情內惕願言薄脩
業乘流駛歸鷁

過彭澤吊陶淵明

淵明宰茲邑小試用世才束帶見督郵誠亦禮所
宜不肯一折腰悠然賦歸來歸來三徑裏對菊傾
酒盃高風灑六合千古誰與偕歸舟此何夕明月
孤山湄停橈酌江水真歌榮木詩昨非不足究今
是庶可追

泊荻港

江流經赭圻洪濤勢彌廣羈客歸興劇揚舟冒濇
濇驚帆折風迴顛歎屢俯仰導岸拽長纜始得接
荻港崖屋見比比居人亦穰穰聞昔浮丘翁此地

事直養古洞閔煙霞只尺不可往引領望青山長
謠神懍恍

七言古詩

次青石公詩韻

江漢颯颯揚長風前山影掣旌旗紅激天鼓吹寒
色裏參差劍戟明霜空左列鞭弭右橐鞬兩行驥
驟馳游龍游龍肅伏無越序玉羈金轡搖玲瓏我
公風度來何所百年靈秀鍾山東乾坤吾道有孔
孟文事武備將無同蛟騰鳳翥冠海內彼時弄翰
年方冲祗今節鉞鎮三楚仗劍一咲無英雄輕裘

指顧風塵靜餘事故得傳詩筒幕下奔走成俊彥
有如蒙劣亦教中瞻望清塵無所效但歌盛德隨
巴童問公明光何能爾古來實大教自鴻平生雅
志在霖雨赫赫榮貴公苓通

和青石公南山歌壽

太夫人

仙人樓臺隔瀛海圓嶠方壺鬱磊磊松覆瓊扉命
鶴看花芬玉樹無人採有母遠自瑤池歸金冠玉
珮世間稀風前羽葆翩翩舞雲裏飈輪隱見飛骨
換豈論千歲藥身輕常著五銖衣坤德由來育物

多湖湘風景一經過滿堂愛日觀親睦一曲春風
鼓太和斑衣東海方稱壽何處南山更有歌朱顏
童齒人人羨江山佳處開華宴細縷鮮鱗翡翠盤
青蘇白鹿瓊珠濺勲業光華動昂葵彌縫宇宙勞
針線長帚聊除陸海塵仙名久籍青華傳願隨絳
節上彤霄載聽鈞韶歌九變

通山館中喜雪

風吹雪花向山落玉樹瓊枝遍巖壑橫臨野水色
迷鷗亂舞遙空鮮奪鶴山館當衙樹翠屏坐來訝
失萬尋青洪纖切凸復何別圓璧方圭兼一形玄

冥大氣通寥廓恍惚龍宮見樓閣浮浮靄靄復瀝
瀝始悟梁園乃奇作我聞楚地多旱災連年臘雪
慳瓊瑰今年冬深雪復少家家憂望翁同孩昨朝
憲府文書到諭令祈雪辭切要忽然見此瑞物飛
遂令蹙額開顏笑君不見山南山北田園蕪人家
鬻子輸官租官租輸納苦不足日嚴鞭撻喧哀呼
又不見軒車往來山下道茫茫百里無青草我忝
觀風過此間憂民無計徒成惱天公憫爾意實深
畝間盈尺真吾心須知對此撫鬚意不是求工灞
上吟

通城元夜觀燈

浮雲暗天春沉沉一日甫霽十日陰華月出雲照
燈火天於此夕如有心楚俗從來重燈節簫鼓沸
天天爲悅六街風細迥無塵火樹銀花闔奇絕熒
熒絳燭燃溫犀百恠見形光陸離祝融燒海水泉
竭列玕錯落珊瑚枝老鶴翩翩鼓雙翅九霄頃刻
清颺至彩鳳金雞顛倒飛尋常羽簇誰能記蛟龍
曼衍金鱗張明珠旋轉流虹光巨象捲鼻仰天嘯
赤牛白馬紛騰驤皇天景光分四季四季移來眼
前異寶刀銀斧森寒芒遮擁鰲峰危眉顛盈歲廷火

傘舉遙空峩峩綺閣金玲瓏雲旗絳節西池母鶴
髮麗眉南極翁恢詭不獨多仙釋忠良賢孝人非
一已看嚙雪海邊時復見瞻雲山下日催騰馳走
綺羅香穰穰紛紛夜未央朱簾巧咲樓頭女紫陌
清歌馬上即轟雷竹爆梨花落紫電青烟互揮霍
春催巷柳絲垂條暖入江梅香破萼嗟予少歲富
風情多病年來萬慮輕偶值良宵見行樂不覺臨
風喜意生一官鄂渚渾無益回望故山千里隔但
願時和黍稷豐爾民懽樂予亦適

城東看花

武昌三月城東道我往看花花已少時見墻頭幾
樹桃雖有餘英顏色槁洪山李花最後開亦復隨
風委蔓草向來紅紫競春風寂寞青枝徒媿媿吁
嗟人生何異此少年轉瞬成衰老龍陽泣魚真駭
童安得朱顏常自好朱顏在面猶易失紫綬繫腰
寧可保勸君得意勿浪欣勸君失意勿浪惱得失
窮通盡偶然小兒造化紛顛倒趣有樽前軟脚春
與君共醉聽啼鳥

游子吟官塘驛次韻廖學士桐山篇

游子日暮悲河梁故鄉千里雲蒼蒼楚江露冷美

南浦
芙蓉落湘浦風來蘭蕙香故壘烏啼旌旆旒一帶烟
光暮山紫斗酒赤髯吊遺跡英雄事逐東流水江
上秋風正及時何爲案牘無停披人生百年適意
耳荒謀浪作沉江碑夢憶小堂巢翡翠松蘿鬱惹
烟霞氣蕙帳空令猿鶴驚烟波不見魚書寄烟波
烟波柰爾何關山迢遞客愁多耿耿深衷何誰語
郵亭獨坐賚長歌丈夫腰間懸巨闕精光射斗時
時發彈冠解組各有爲碌碌安能淹歲月歷觀往
古到于今青史勲名幾度新未能虎穴稱奇士且
得漁竿伴隱民

游西山

武昌王尹爲予言此有勝境名西山蘇公昔日屢
游眺至今遺跡留其間侵晨迂道策羸騎綠雲拂
霧登層巒秋深耳苦正結實砂紅漆黑紛斑斑山
巔古寺不知代白雲丹壁深迴環叅天松櫪相蒼
葭餘地襍種青琅玕天風時時一磨戛瓊珮響徹
千飛鸞石洞暗滴雪乳濕山腰迸出清泉寒老僧
儀狀類野鹿迎拜道左緇衣寬引入荆榛看古碣
苔蘚剥落文多漫云是蘇公厥弟轍紀載勝蹟爲
兄刊震予平生愛巖壑往往幽夢青雲端竭來鄂

渚就微職奔走官府無時間簿書堆案訟囂集累
歲逋欠徵難完青山對面若蓬閣渺隔瀛海何由
攀今日恣情此山景籠鳥飛空駒脫閑緬想坡翁
慕高趣行立悵望慚塵顏從行錢生年英妙意在
道義非游觀共來樹下講文字環立問難皆衣冠
不辭巨觥引滿酌文談借酒申交懽嗟哉吾道樂
如此安得至老不言還

過九江懷古

樂天初謫潯陽時夜聞琵琶淚濕衣人生升沉等
夢幻何用淒淒兒女悲賢者從來固難度未老抽

身慕林壑華顛賞遍洛陽春豈異冥鴻在寥廓自
傳先生號醉吟白雲紅樹碧山岑楊柳櫻桃日歌
舞世間何物纓其心連昌才子齊名久晚節低摧
名益醜更有平生槐棘賢甘露一朝同白首相州
相公勲盖世醉白名堂仰高致雞林傳播購千金
豈識珠璣乃餘事朔雲寒日晚停舟重想高風不
可求安得元長生並世爲公執策與同遊

題四景小畫

春水滿四澤

東風幾日桃花雨溪面強添三尺水灑灑平臨楊

柳堤溶溶新漲鴛鴦嘴溪上人家小結廬一群鷗
鷺伴幽居綠蓑老子來何處短棹輕舟叫賣魚

夏雲多奇峯

火龍鞭急燒南嶽蒸薄群峯上寥廓高橫天外碧
嵯峨亂聳霞邊紅錯落千姿萬狀變來新渴死塵
中迷日人惟有北窓高卧客清風一枕看能真

秋月揚明輝

金氣宵凝寒泣兔方諸濕透三危露素姊娟娟弄
羽衣丹花歷歷搖芳樹沉沉萬籟寂無聲獨倚高
樓看到明寄語天公憐好夜莫教玉宇片雲生

冬嶺秀孤松

孤生松樹柯如鐵嶺上深冬秀風雪風裏時時作
鳳吟雪中挺挺森龍鬣遙想幽人重歲寒清誼終
日對盤桓祇今世少陶元亮縱有孤標誰解看

五言律詩

過長虹鋪

山路過長虹千峰漫萬峰危橋森亂石落葉舞迴
風鼓角穿林迥巖扉結屋同晚來飛鳥靜蒼翠滿
虛空

崇陽元日試筆

霏霏山館雨已復度新年桂古青青葉芸清細細
烟鴈書天北迥鳳曆日南躔感激知非日吾今愧
昔賢

嘉魚縣雨

駐節沙陽邑烟江景色深長風吹赤蘚細雨暗烏
林渺渺懷賢意悠悠吊古心湘臯春草碧日暮欲
沾襟

發嘉魚

出郭眺平野春風回燒痕青憐湘竹細白見嶺梅
繁魚岳山烟光靄龍潭湖水氣昏踈踈雲際雨隨

意灑郊原

二

積霧暗江郊流泉響石橋崇崗分赤壤細路入青
霄冬暖宜茶葉春陰長麥苗淮南芳樹綠幽思若
爲招

三

細雨春山路登登紫翠間午驂停鹿嶺鋪曉旆發
魚山驛轉蓋巖花落牽帷雲鳥還冥棲者誰子松
下結柴關

四

南浦
入秀
愛殺寒梅樹溪山此托根橫岩雲正冷映水雪能
繁情鍾仍有態幽絕更無言邂逅撩詩思因之夢
故園

松樹

山下長松樹亭亭秀翠雲踈枝爭馬尾老幹拆龜
紋爵有烟霞氣甘同樗櫟群無心作梁棟不願匠
師聞

東門

連山排雉堞知是楚東門碧樹春烟合朱樓暮靄
昏閭闔依大道莽蒼接平原軒蓋從茲入幽情未

易論

武昌道中

松嶺至銅城程程秋色清吹笳林鳥避引蓋候人
迎歲稔棉花茂畦腴稻穰盈山家應最樂字犢散
從橫

碧石渡

長堤橫碧石野渡葦花繁水淺罾魚少天寒磧鴈
喧古塔雷轟拆殘碑蘚翳昏漁家傍沙渚寥落不
成村

大冶道中

南浦
二
秋日金橋路風涼發興新遙峰奔壘浪密草薦華
茵採藥懷仙侶題詩憶故人紗幘此時意不說在
風塵

發大冶

發布晨光灑渡河秋氣涼露條侵仄徑雲木鬱層
崗崖閃丹砂麗巒迴翠鳳翔連畦垂稻秣風土認
吾鄉

贈別陳生

陳子修寧彥相逢江漢亭把盃孤月白分袂亂山
青爾才何落落吾鬢已星星洗眼看騰達明時重

一經

有戒

一望惟江水無從問地名吟詩寒鴈過隱几渚禽
鳴雲黑天無影風多浪有聲惟是城南樹知予宿
昔情

采石吊李白

維舟采石樹却上蛾眉臺詩仙久淪沒雲壁空崔
嵬孤月千年照長風萬里來祇應風與月鬚鬢見
清才

五言排律

嘉魚縣聞履在周長官遷北工部喜賦二

十韻奉贈

傳道周夫子新年陟水曹喜翻頻舞劍與發恣揮
毫豈是隨行輩由來命世豪直嗟淹察牘况復困
弓刀莽塊經年汨扶搖自此高拂衣辭鐵騎躡履
步金鰲麗思魚依藻清聲鶴唳臯天閑登驥足風
漢縱鴻毛四海蒼生望千年

聖主遭粉闈哦杜甫金馬頌王褒繩紉歸忠直經
綸屬俊髦江光搖去旆草色動征袍別駕君真屈
聯銜我亦叨初驚瞻露月不覺醉醇醪鳴盛宜喬

木棲卑分短蒿翩翩雲外鳳縹縹檻中猿繾綣心
方劇躊躕首重搔轉憐同志邈更益獨愁宇晴日
燕京樹春風楚澤濤相思他夜路應遠追夢魂勞

奉贈廖學士二十韻在京未歲

盛代天源迥中興景運昌應時生輔弼曠世際明
良龍起當湖甸雲從自此方碧雞凝

聖眷黃鶴發仙鄉特立風塵表橫行翰墨場揮毫
天下妙舉步古人行汪度吞雲夢清標稱鳳皇西
周典禮樂北斗見文章夙契三才奧兼通百氏長
算蝗驚趙達演易陋京房青瑣逶迤珮金爐縹緲

香山蟲輝衮服豫梓壯明堂有客思觀海多年渴
望洋上書慚擬愈作賦倦游梁附驥雖無地登龍
幸及墻撫懷增感激顧影獨蒼茫夢裏青雲遠春
來白髮長瀛洲虛日斷岐路實心傷葵藿常傾日
薰葭且冒霜長途方發軔矯首向孫陽

六言絕句

次錫山寺壁汪南雋詩韻

覽勝地雄湘楚題詩才愧陰何千岫雲封古寺一
聲磬出烟蘿

二

松島風生鶴舞竹窻日上僧眠何處飛來繡羽平
空點破蒼烟

三

危石歌歌欲墮好山疊疊如迎此地不須歌吹幽
人要聽泉聲

四

松下石人點首山頭鐵犢耕田靜坐高齋不語悠
然已得心傳

山家

水轉山迴去處竹籬茅舍人家淡淡數行烟樹疎

疎幾點梅花

七言律詩

武昌縣留別諸生

照眼珠璣次第來，從知楚國舊多才。
要看秋實纍纍結，已見春花灼灼開。
但使勤窺孫案雪，不無快躍禹門雷。
丁寧年少青衿子，狂簡從今好自裁。

大冶縣

朱鈞終日事鞭敲，慚愧先賢撫字勞。
幾欲抽簪向江海，不堪束帶繫官曹。
深山俗獷雖爲梗，荒歲民窮半是逃。
案牘苦思吾道樂，故將文字共同袍。

興國館中次吳東湖詩韻

驅馳歲暮征科急，蕭散吟詩恐未該。
弭節江亭寒鳥下，支筇楚岫凍雲開。
朔風鴻雁愁邊迥，微雪園林夢裡歸。
滿地瘡痍慚莫補，魚符使者幾時來。

發興國

朔風獵獵鴈行斜，天入深山應鼓笳。
雲杪尖峯森列戟，丘中久徑曲縈蛇。
深冬嶺樹青葱色，破曉江梅的皜花。
客路風光渾可眷，輿行不復嘆荒遐。

游白雲洞

籃輿徐步看山行，雅似仙遊遍赤城。
萬壑千巖窮

勝狀登言高望遠
愜幽情洞門滿地白雲古石砌經
冬碧草榮解組便拚終日住
不知世上有功名

再用前韻

夢想鹿皮海上行
招邀仙人游五城雲中黃鵠久
不至洞口白雲空復情
剗心篇翰楮葉細過眼寵
光朝槿榮寄敲棲霞羨
門子吾將從爾謝浮名

又次石壁楊侍御詩韻

茲游真是冠平生
造化何心與結成
嶺上白雲誰是主
洞中丹竈謾題名
空嵐衣履沾蒼翠
夜月笙簫下紫清
對此恍然游物外
人間榮願一毛輕

通山道中

千巖漠漠暮嵐生
雲滿江天雪未成
流水潺湲如自語
好山重疊不知名
峯迴或見旌旗閃
夜靜偏憐鼓笛清
償此勝游憑吏隱
向來猿鳥莫相輕

通山入館值雨
壁間有題雨中
共朱侍御夜酌之詩
因次其韻

楚天臘月雨陰陰
兩館寒燈我復臨
何人連卷粉壁字
此時還共繡衣吟
豈無樽酒堪供興
縱有林巒不可尋
江上飛鴻爾何故
哀鳴不斷隴雲深

通城立春日小雨用韻

此日青皇開令辰，銀山雋水氣鮮新。即看膏雨蘇
芳草，正復停雲憶遠人。細灑鷗沙湘浦曉，輕飄鷓
渚楚江春。年華自省新增業，但覺清吟趣更真。

用韻憶弟

天上星回析木辰，玉衡催放歲華新。風雲共壯青
陽色，花鳥渾羞白髮人。小雨江天今日思，短檣梅
萼故園春。惟應夢裡池塘草，知我蕭疎意是真。

憶南湖諸友

鳳曆頒時下北辰，晚蘭汀蕙寵光新。回看楊柳溪
頭野，遙憶蓮花社裡人。畫舫朱簾明綠水，銀箋綵

筆闔青春拂衣浩蕩，烟波外終欲追蹤賀季真。

懷家信

去歲風塵燕地迥，今年梅柳楚江新。遙知兒女逢
佳節，應對椒盤說遠人。霧鬢金花方闔曉，綵衣瓊
樹總輝春。鯉魚鴻雁渾難覓，何處雲波信息真。

用韻邀汪南雋飲錫山寺

二難四美在茲辰，想見揮犀玉唾新。選勝已除幽
靜地，稽謀專俟老成人。安車增重江山色，比屋均
沾杖屨春。簪組極知身外物，百年吾道是天真。
穀日同南雋游錫山寺用杜韻

盤旋石磴入雲遙俯瞰三湘瘴霧消甲子日逢還
在穀梅花風轉不驚條老僧狀貌同麋鹿上界光
陰異市朝便向真人求妙訣盡超雞犬上層霄時

雋告以民瘼

正月九日同南雋游金盆寺限韻

淡雲微雨灑青陽皂盒乘時到上方金刹入門風
景別珠林開席野情長翠巖對客呈佳色碧樹非
時發異香宦轍逢春渾草草暫依勝地答流光

咸寧館中大梅樹盛開

山館梅花十丈高入門亂雪點征袍暫逢便洗風

塵思又對還忘案牘勞東閣此時橫月觀南湖何

處鎖烟濤南湖有梅二處題詩索咲孤芳晚雨打風

飄何寂寥

桃林鋪

桃林鋪前山陂陀軒車三月兩經過昔去素霰臘
未破今來綠芳春已和歲月流轉忽如此風塵奔
走將如何仰看飛鴻沒烟霧慷慨東風聊短歌

山陂驛次吳東湖韻

驛館停車望古陂東風綠草遍天涯遙空淨見春
雲度長路清憐隴月隨江上歲華玄鳥識湖邊心

事白鷗知沅湘日暮饒幽思薜芷芳蘭總索詩

三月三日

佳辰脩禊事何如細雨東風憶故廬我亦浴沂同
點爾誰其浮海共由與江城永日饒花鳥塵案經
旬積簿書多病自知無所補白頭虛食武昌魚

瀟湘哀挽

山川感目自沾衣况是湘天欲暮時却戴豸冠詢
舊事獨憑鷺鷥軾動深思風吹芳草碧千里雲起遙
峰暗九嶷莫詠哀章如宋玉楚鄉今有象賢祠

又

洞庭南下水茫茫此地從來易感傷繡斧舊搖山
嶽色綵衣曾舞芰荷香重臨故國惟秋草欲吊遺
蹤又夕陽聞道象賢祠下樹楚人今比召公棠

江上逢秋日

江上新涼着柳條秋風忽憶故山樵宦游漫爾輕
千里吾興從來在一瓢鷗鷺猶能依水竹烟雲何
處傍溪橋自惟踈拙宜甘遁豈學淵明懶折腰

發大冶大風雨午後少霽山色甚佳

雨後看山山更奇千峰如沐翠參差泉聲幾處鳴
哀玉石勢當蹊攫怒獅雷隱空岩時作閃雲依高

樹晚含滋地幽境勝難窮狀司馬平生到已遲

宿棲隱寺次韻

萬壘烟嵐千仞山天開一寺此中間毒龍潛水光
多恠老鶴棲林意自閑渡海僧來飛錫杖護山神
惡帶金環白雲滿地真堪隱丹巒何時得再攀

重游錫山寺限韻

一年銀燭兩停麾春日秋風正及時碧樹丹楓俱
可愛清游素食更相宜山泉旋試椿頭嫩野味初
嘗石耳竒已覺烟雲情眷戀鳴笳欲發且遲遲

同汪南雋重游金盆寺二首限韻

縈迴石道暗雲杉樹底僧來拽紫衫鶴舞似欣曾
到客龍蟠還記舊游巖塵心悟得聞金磬山風氣飛
來濕寶函歸去征軺幾回首遠峰落日半猶銜

又

愛看天風舞萬杉重來此地振塵衫日臨佛殿森
諸像雲鎖僧房閣半巖花片飄香隨酒盞山靈驅
景入詩函要聆軟語峰頭月歸馬無勞頓玉銜

蒲圻館中次吳東湖韻

千林木落景蒼涼下馬江亭對夕陽白髮經秋催
客老青山終日看人忙蝶翻嫩菊初分圃雞啄香

南浦 一八 七
杭正滿場作宦何如歸去樂數椽茆屋一黎床

九日次青石公詩韻

憶上金陵百丈臺

去歲九日同舍弟登雨花臺

西風樽俎對江

開三秋鴻雁無傳信萬里風塵一舉盃日落青天
孤鳥沒烟消黃鶴數帆來憑誰問訊東籬菊好護
霜英待客回

大醉後作

多病十年踈麴生開懷爛醉此何辰
櫪間老驥心猶在韝上蒼鷹氣未馴
潦倒又添新白髮奔馳殊厭軟紅塵
桓生誰道直筮物一感金城涕滿巾

又

墻角梅花照小春倒冠真不習佳辰
忘機鷗鳥誰能管有慾蛟龍亦易馴
身世行藏雙短鬢古今天地一浮塵
金梁解壓昂頭俯何似淵明漉酒巾

飲觀音閣用王夢澤韻

閣在江心

江閣憑闌歲暮心浮雲帶雪結層陰
黃岡右遠千家近赤壁東來一水深
烟失晚汀迷釣叟風撞夜浪濺觀音
行人家住金山北還愛中流祇樹林

黃州

蒼茫雨雪歲窮天繫纜洲邊訪昔賢
王老竹樓還

在否蘇公墨沼尚依然江山勝迹居人說宇宙雄
文絕代傳吹斷洞簫孤鶴杳數行寒鴈下前川

舟泊蘄陽懷百潭

磯邊楊柳欲棲鴉堤上人烟近萬家防老預尋斑
竹杖消風還乞白花蛇中流浴鷺深深沒極浦征
鴻箇箇斜回首鶴樓懷舊侶夕陽烟暝一聲笳

舟中冬至用老杜年年至日長為客詩韻

小孤山下逢南至黃石磯頭斷北人異國風烟愁
獨酌近鄉山水覺偏親此時擊鼓吹銅笛何處焚
香拜玉宸莫笑歸囊甚蕭索從來金印陋蘇秦

安慶感事

逆藩旗鼓出鄱湖一水東來指舊都論賞各爭分
寸績摧鋒誰錄十三夫江山信有金湯險豪傑今
無膽氣麓倚棹城邊問前事成樓吹起角鳴鳴武庚

管叔之叛民
獻有十夫

寧賊之變兵圍安慶時府守張文錦遼東人
適有同鄉十三人旅寓城中各請分守要害
謂賊徒曰

朝廷久知爾將反命我遼軍備禦不信視其箭
賊徒識其箭莫不褫魄卒之敗散者此十三

南浦
入楚
世
人之力也事平有司以尺籍無名重上其事
但各私贈銀十兩而已衆以出死力破賊竟
不得沾寸賞皆慟哭而去予過安慶城下詢
之士人信然為賦此詩

牛渚懷古

千尋翠壁倚嶙峋信是江南險要津慷慨登樓明
月夜風流開幕艷陽春磯頭不見燃犀客水底猶
傳躍馬人莫對江流重懷古英雄遺事易傷神

梁山阻風

兩山對峙一門開約束江流勢柱哉厭見北風濤

捲雪愁聽南浦浪喧雷日隨一鳥雲邊轉心折孤
帆日下來能與天門鬪奇絕古今惟有謫仙才
有天門詩

附錄長安雨後雜述五首

乙未年
寓京作

小閣鈎簾雨氣寒紅霞碧樹共憑欄飛飛乳燕來
華屋冉冉纖雲度遠巒入闕遍觀周禮樂登筵快
覩漢衣冠不應野性終然在猶憶江湖舊釣竿
九陌飛塵過雨清夕陽樓上眺神京玉宸座迥紅
雲靄金馬門高紫霧橫獻策遠應羞賈誼著書聊
欲擬虞卿葛屨散步吟清暇稍似尋詩湖上行

南
清
煥日雨餘宮樹綠浮烟青牛洞磬生遐思黃鶴江
山有宿緣昨夜甘霖湖上過懸知新碧已盈川
側身北斗清虛地極目西山蒼翠峰絕嶂霧深藏
澤豹高天雲澹見冥鴻倚城甲第門如海辟道金
鞍馬似龍獨有儒臣盤谷序古今文苑共推雄
鬱鬱葱葱蟠御氣皇居天為壯山河列環錯落開
三市鳴玉從容散五紘北極光臨鳩鵲滿南薰涼
入鳳凰多殊方幾向西來咲不柰青銅素髮何

春日寫懷

用節氣名

獨立春風玩化機淡雲小雪弄霏微落花風大寒
猶峭布穀雨餘穀乍稀湖面波清明雀舫渡頭沙
白露漁磯一春分日候官府烟雨水村何日歸

七言絕句

宿九峯寺戲用朝中宰相五更寒詩韻

一宿禪房石榻寒白雲紅葉總相關老僧候送先
雞起山寺如今也不閒

蒲圻道中即事

緣雲細路逶迤轉冒雨輕輿躑躅行涉險趨程非
所嘆茲游正復慰平生

龍蟠春雨金盆寺勝槩他年夢不忘此日衝泥山
下路東風回首石橋長

翠壁丹崖萬壑趨石門過去接蓬壺只看此境真
幽絕莫問仙人更有無

回巖轉壑絕深幽赤脚褰衣踏澗流此趣傍觀寧
易得從人不解是清游

巉巖直下吼飛濤俯視人人豎髮毛藤蘿一徑剛
容馬烟霧千峰不度徠

崩騰洪水勢如爭浴鷺飛鷗萬古情曾向呂梁聽
雨宿至今惆悵暮濤聲

中天雲鎖翠嶺岼光景豁舒互吐吞二十四泉流
復轉不知何路入桃源

紫翠周遭山海山不應此地是人間停車巖畔湏
更坐啼鳥一聲烟景間

赤泥坂下斷人行水綠山青畫不成宿鳥歸飛千
岫暝晚烟垂釣一翁清

春氣浮空漫不收飛飛烟雨濕滄洲松蟠石頂亭
亭秀水抱山根澌澌流

葦蘿垂蓋舞纒紛感謝青山此意勤點注巖光將
細雨遮留客馬著長雲

南浦
一諾少移餘刺到湖南郵地

愛山無厭得非貪衣上霏微帶曉嵐乞語山靈垂
芳蘭日暮思湘君渺渺蒼梧只見雲一帶青山飄
雨急更愁神女濕仙裙

萬仞崗頭望八垠貪竒渾忘險中身晚來山霧濛
濛黑隔樹招呼不見人

渚衡汀杜閱年芳物色宜詩興轉長盡日山行人
寂寂水聲依路奏笙簧

題寬軒

樂善從知蕩蕩懷一腔春意海天開 皇家停叙

垂謨遠玉牒空閒濟世才

從興國回至大冶

大箕小箕相對青遠似行人如送迎軒車滑滑泥
載道回首雲巒無限情

清水鋪次驛間韻四首

瑟瑟涼颼山木秋山鄉民瘼正須求如何公館連
宵夢只夢南湖把釣鉤

楚澤當年詫獨醒焉知天道有虧盈行人莫問孫
曹事請聽山邊澗水聲

顏巷一瓢吾所志偶然來作楚江游子長正坐探

竒癖猿鶴還知此意不
秋氣夜來涼似水驅馳慚愧楚山禽青山莫咲客
情懶管領烟霞却要人

諭盜

作宦經年返舊廬江空月黑夜何如綠林不用頻
窺伺只有當時數卷書

長短句

菩薩蠻

寫懷

江頭秋水明如鏡朝來照見行人鬢照見鬢毛蒼
猶疑是曉霜 黯然疑久竚却憶金城樹搔首倚

船逢無言數過鴻

點絳脣

泊夾口

夾口停舟江頭一望青山遠臨風長嘯自覺清顏
老 回首家山幾箇征鴻叫音書香烟波浩渺霜
落蘼蕪草

長相思

同上

對青山愛青山山色參差烟霧間孤雲何處還○
泊沙灣宿沙灣淅淅秋風江水寒遠船楓葉丹

酬江月

過小孤山

長江滾滾東流去激浪飛珠濺雪獨見一峯青嶂

嶂當住中流萬折應是天公恐他瀾倒特向江心
設屹然今古舟即指點爭說 岸邊無數青山縈
迴紫翠掩映雲千疊都讓洪濤恣洶湧却把此峰
孤絕薄暮烟霏高空日煥譔歷陰晴徹行人過此
爲君幾度擊楫

蝶戀花

泊九江

舟泊潯陽城下住杳藹昏鴉點點雲邊樹九派江
分從此去烟波一望空無際 今夜月明風細細
楓葉蘆花的是淒涼地不必琵琶能觸意一樽自
濕青衫淚

滿江紅

江風雨自蒲圻至
泗橋口占

風雨蕭蕭長塗上春泥沒足謾回首青山無數咲
人勞碌山下紛紛梅落粉渡頭森森波搖綠想小
園寂寞鎖柴扉繁花竹 曳文履鏘鳴玉綺樓疊
雕欄曲又何如湖上芒鞋草屋萬頃水雲翻白鳥
一蓑烟雨耕黃犢悵東風相望渺天涯空凝目

踏莎行

東湖驛

曉樹啼鶯晴洲落鴈酒旗風颭村烟淡山田過雨
正宜耕畦塍處處春泉漫 踏翠郊原尋芳野澗
風流舊事嗟雲散楚山誰遣送愁來夕陽回首青

無限

喜遷鶯壽百潭二月十五日誕

花香馥郁正春色平中海籌添屋金馬清才玉麟
舊守帝譴暫臨江國冠蓋先生南楚川嶽靈鍾西
蜀堪羨是有汪洋萬傾珠璣千斛聽祝頌多壽
多富多男溥作蒼生福碧柳緋桃錦袍烏帽輝映
顏朱鬢綠早見鶴樓風彩歸掌鸞坡機軸百歲裏
慶團圓長似水輪滿足

醉蓬萊并致語贈周履莊擢北工部

鷺鷥繡服懋兩地之勤勞鸞鵲泥絨注九天之眷

溼甘棠留江漢之思馨香忝動神明之感式觀鴻漸
佇見鵬搏棊惟寅長綬莊先生執事學得家傳
才稱國器瓊枝玉樹允類毛標鏡水稽山實鍾靈
秀寒冰苦蘗未足喻其清操峭壁孤峰詎能方其
勁節文章內蔚爭看起鳳騰蛟德化潛孚寧復佩
牛帶情愷悌民之父母精練世之著龜早以清才
試牛刀於小邑終然紫氣騰龍劍於高霄幾年撲
撲乎風塵此日飄飄然雲漢蟠根錯節別利器之
寡傳麴蘖鹽梅等良臣而可待玉三投而始售金
百鍊以愈精蓋近民莫先乎平易惟子實然而大

任必歷夫艱辛於茲尤信某等官同寮實誼篤第
兄南國同心方效師師之美東風回首曷勝戀戀
之情契友道於芝蘭富恭素協信人生兮萍梗聚
散何常黃鶴樓高酌江流而餞別蒼龍闕迥瞻雲
澗以興懷蕪詞聊代口碑非意尚祈心鑑

驥舟春江渚執手東風依依難別懊恨征夫把驪
駒歌徹劍氣橫空此行何處指五雲金闕畫省香
爐粉闥青瑣十分清絕 幾載江湖高情醞釀多
少經綸待君施設想見委蛇詠羔羊素節玉燭春
熙金蓮夜靜做伊周功業回首關山相思千里共

看明月

喜遷鶯

并致語贈梁寒泉擢東平守

仰邁種以協中疾孚風草殫精勤於任外久歷霜
葭眷茲悃悞之材實我邦家之慶金馬難留下國
兆見大行玉麟遷授專城道方小試恭惟

寅長寒泉

執事

八閩秀氣三楚聲華霽霽圭璧之

姿堂堂昂鉉之器鸚洲佐郡吞雲夢於胸中行獄
明刑判華衡於筆下飛清霜於豸觸矢白日於魚
懸弼五教惟重惟輕足繼虞廷之允成三德勿休
勿畏何慚周代之良裁決糾紛別蟠根之利器哀

矜寬青渡苦海以慈航馨播縉紳渥垂綸綍念江
漢南方之化已懋高勲惟詩書東土之邦更勞暫
治屈賢者於外郡雖匪輿情觀聖人之遺風諒其
素願想見蒲鞭之政丕揚木鐸之音魯國得師爭
覩宣尼老杏楚人失望齊歌召伯甘棠某等官同
寮采誼篤弟兄金石勳渠領教言而未忘瓊瑤重
疊懷令德以何酬臨鷗渚而嘆萍波醉指銀山之
色登鶴樓以瞻楓陛飽聽玉笛之腔正爾協心遽
堪分手注江淮泗隔一水以非遙接壤幽燕去五
雲而漸近鸞棲百里行膺錫衮之褒鵲起三台終

贊垂衣之治未能借寇徒切攀稽歲晏長亭惜歌
驪而折柳春濃上苑期附驥以看花 詞曰

驪歌江渚正落日烟波寒山凝紫當轍牽裳臨岐
把袂風葉蕭蕭亂舞方羨化行南國又報郡移東
上堪仰處是霜裁老練冰操清苦 爭覩見皎皎
玉樹臨風喜氣盈眉宇三木論囚五花判事籍籍
遍傳荆楚未展清才金馬聊寄專城銅虎共看取
赴雲龍盛會溥施霖雨

漁家傲

七月十五夜
泊漢江口

江上涼颼清緒燠片雲消盡明團玉水色山光相

與綠烟樹簇移舟旋傍漁燈宿 風外何人吹紫
竹夢中聽是飛鸞曲葉落楓林散菼菼幽興觸明
朝相約騎黃鵠

鷓鴣天

金牛鎮懷家信不至用古詞韻

雨過鳴蟬斷續聞石梁新水漲溪痕秋風銀鹿無
來信落日金牛銷旅魂 登小閣倒孤樽故山回
首暮烟昏令人苦憶湖邊舍綠蔓黃花正繞門

釵頭鳳

別武昌

臨丹壑馮高閣閑吹玉笛招黃鶴空江暮重回顧
一洲烟草滿川雲樹住住住 江風作波濤惡汀
蘭寂寞巖花落長亭路塵如霧青山雖好朱顏難
駐去去去

念奴嬌

亦薛舟中詠雪

中流鼓楫浪花舞正見江天飛雪遠水長空連一
色使我吟懷逸發寒峭千峰光搖萬象四野人踪
滅孤舟垂釣漁蓑真箇清絕 遙想溪上風流悠
然乘興獨掉山陰月爭似楚江帆影淨一曲浩歌
空闊禁體詞成過眉酒熱把唾壺敲缺馮夷驚道
坡翁無此赤髻

憶秦娥

池州阻風

江風阻歸舟信宿停秋浦停秋浦青燈小榻寒城
踈雨 雙雙白鳥來沙渚長鳴似向幽人語幽人
語從今好共烟波為侶

望江南

同上

吟眺處江雨正霏霏九疊雲華蒼巖秀一川烟浪
白鷗飛此景十分奇 吟眺罷客思轉依依拄杖
尋詩雙葛屨扁舟垂釣一蓑衣此趣幾人知

四景圖

曲江花

帝城東畔富韶華滿路飄香爛綵霞多少春風年

少客馬啼踏遍曲江花

曲江花宜春十里錦雲遮錦雲遮水邊院落山下
人家 茸茸細草承香車金鞍玉勒年年華爭年
華酒樓青旂歌板紅牙

楚臺風

誰將綵筆弄雌雄長日君王在渚宮一段瀟湘涼
意思至今都入楚臺風

楚臺風蕭蕭瑟瑟穿簾櫳穿簾櫳滄江浩渺綺閣
玲瓏 飄飄綵筆搖長虹冷冷仙籟鳴虛空鳴虛
空一欄脩竹幾碧踈松

庾樓月

碧天如水纖雲滅可是高人清興發徙倚危欄有所思江頭一片南樓月

南樓月水天涵映秋澄澈秋澄澈涼風清露瑤臺銀闕桂花香滿蟾蜍窟胡牀興發霏談雪霏談雪誰家鳳管夜深吹徹

灞橋雪

驢背吟詩清到骨人間別是閒勳業雲臺烟閣久銷沉千載人留灞橋雪

灞橋雪茫茫萬徑人蹤滅人蹤滅此時方見乾坤

空濶

騎驢老子真奇絕有山吟聳清寒冽清寒冽祇緣不柰梅花撩撥

入楚吟終

附錄與許少行論詩簡

過厚厚情別後馳慕何已拙稿奉命寄上數冊
剗竅之吟聊以自適執事不量謬以爲可教而
悅之不惜齒牙借重雖鄙人之幸而吾子之嗜
好亦已過矣昔登徒子悅醜婦而人笑之執事
於拙作毋乃有類乎竊恐非笑之者甚於笑登
徒也然詩之爲道鄙人實竊與聞一二前所論
後乎其形似先乎其性情者誠愚見平生一得
也蓋詩先體制不學之者往往以名家爲尚

國初林子羽輩學盛唐袁景文輩學老杜近時徐元定李崆峒亦然詩學雖多門其大家數不過此二種而已今觀諸公之什一開卷間宛然復見古人徐而味之流出肺腑之趣識者猶或少焉惟高季迪學唐人楊子孟載學李義山最為近之而高之沉醞楊之流麗本自出於天性與古人合初非無因專以模倣然也然則學詩者亦因其資之近者而已矣稷好樹藝遂播百穀垂有巧思實爲共工矧詩道之爲技乎夫體制不

可無要在寫其胸中之真耳無若優孟學叔敖然楚王慕孫叔敖之爲政也而優孟學之衣冠叔敖也舉動叔敖也言咲又叔敖也王見之以爲真叔敖矣然而不可授以楚國之政此直徒得其形似耳不若衣冠不叔敖舉動不叔敖言咲不叔敖但政與舊令尹無異此直楚國之叔敖也此乃善學叔敖者也學詩之道何以異是蓋鄙人之見如此屢承虛懷至意無以奉答輒盡其愚不知於高見有合否也便中不吝終教

幸甚

叙楚吟後

楚吟張子吏楚作也或曰詩人才思迥曠其敝也蕩凌玩喪非夫人之累歟今觀張子守官劇郡催科廉威故歲賦無留逋身正而令行也剗叢定紛公牘旁午日十數上無難焉暇事文學意到渾成磊磊驚人競持去歲時探奇覽勝

南浦
文
酬訊慨往百爾味什茲楚吟是矣蓋張子爲陽
明王公門人本原素養故卓絕勤勵至於篇什
閱肆乃其緒餘云爾楚吟凡若干首大雅自持
定評予固言張子之能無累也

嘉靖戊戌夏五吉成都蔣芝書于石鏡亭



